



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Avrelii Avgvstini Hippon. Episcopi Meditationes,
Soliloquia et Manuale**

Augustinus, Aurelius

Coloniae Agrippinae, 1649

De Regno cælorum, 8

[urn:nbn:de:hbz:466:1-54885](#)

conspicitur; & hoc vitæ cibo, sine defectu, mens intuentum satiatur; vident semper, & videre desiderant; sine anxietate desiderant, & sine fastidio satiantur.

2. Vbi verus Sol justitiae mira fux pulchritudinis visione omnes reficit: & ita universos cœlestis patriæ cives illuminat, ut luceant ipsi: lumen videlicet illuminatum per divinum lumen, illuminans ultra omnem Solis nostri splendorem, atque cunctarum stellarum claritatem: Immortali adharentes Deitati, ac per hoc immortales & incorruptibles facti, juxta promissionem Domini Salvatoris: Pater, quos dedisti mihi, volo ut ubi ego sum, & illi sint mecum, ut videant claritatem meam, ut omnes unum sint, sicut tu Pater in me, & ego in te, & ipsi in nobis unum sint.

C A P V T VIII.

De Regno cœlorum.

1. R egnum cœlorum, regnum fœlicissimum, regnum carens morte, & vacans fine; cui nulla tempora succedunt permanentia. Vbi continuus sine nocte dies, nescit habere tempus; ubi victor miles post laborem, donis ineffabilibus cumulatur, nobile perpetua caput amplectente corona.

2. Utinam remissa peccatorum mole me ultimum servorum Christi, juberet divina pietas hanc carnis sarcinam deponere; ut insuæ civitatis gaudia æterna repausandus transirem, sanctissimis supernorum choris interef-

O

teref-

teressem, cum beatissimis spiritibus gloriæ conditoris assisterem, præsentem Dei vul-
tum cernerem, nullo mortis metu tangerer,
de perpetuæ immortalitatis incorruptione se-
curus gauderem, & scienti omnia conjunctus
omnem ignorantiaz cæcitatem amitterem:
terrena cuncta parvipenderem, convallem
lachrymarum istam intueri vel reminisci ul-
terioris non dignarer; ubi vita laboriosa, vita
corruptibilis, vita omni amaritudine plena,
vita domina malorum, ancilla inferno-
rum.

3. Quam humores tumidant, dolores ex-
tenuant, ardores exsiccant, aëra morbidant,
escæ inflant, jejunia macerant, joci solvunt,
tristitia consumunt, solicitude coarctat, se-
curitas hebetat, divitiæ jactant, paupertas
dejicit, juventus extollit, senectus incurvat,
infirmitas frangit, mœror deprimit; diabo-
lus insidiatur, mundus adulatur, caro dele-
ctatur; anima excæcatur, totus homo con-
turbatur. Et his tot & tantis malis mors fu-
ribunda succedit; vanisque gaudiis ita finem
imponit, ut cum esse desierint, nec fuisse
putentur.

C A P V T I X.

*Quomodo post nimios ploratus mœstam ani-
mam consolatur Deus.*

1. **S**ed quas laudes, quasve gratiarum a-
ctiones, tibi referre valeamus, Deus
noster; qui nos etiam inter has tantas mor-
talitatis nostræ ærumnas non desinas conso-
lari mira visitatione gratiaz tuæ? Ecce me mi-
serum